

SCRIPT OF EVENING GOJRI NEWS BULLETIN 10FEB 2026 1700HRS

اوننگ گوجری نیوز بولیٹن 10 فروری 2026

یوہ آکاشوانی جموں بے نصرت تے اظہر حسین تیں خبر سُنو۔

HEADLINES

۱۔ وزیر اعلیٰ عمر عبداللہ نے اج واضع طور ور کہیو کہ شری ماتا ویشنو دیوی مندر واسطے روپ وے منصوباں نانہہ سال 2024 مانہہ لیفٹینٹ گورنر نے منظوری دتی تھی، نہ کی ریاستی کابینہ نے۔

۲۔ وزیر اعلیٰ عمر عبداللہ نے کہیو جموں کشمیر حکومت، پانی غی فراہمی، غا طویل اہم مدتی منصوباں ور کم کررئی ہے۔

۳۔ نائب وزیر اعلیٰ سریندر چودھری نے اج کہیو کہ حکومت کٹھوعہ ضلع غا گراں باگرا مانہہ آیا سیلاب تیں، متاثرہ خانداناں نانہہ 5 مرلہ رہائشی زمین، دین بارے غور کررئی ہے۔

۴۔ جنگلات و ماحولیات گا وزیر جاوید احمد رانا نے اج کہیو کہ محکمہ جنگلات تمام اہل افراد نانہہ باقاعدگی غے نال لکڑی فراہم کر رئی ہے۔

۵۔ محکمہ موسمیات غے مطابق، اج ہلکی بارش تے برف باری غا امکان ہیں۔

CM ROPEWAY

وزیر اعلیٰ عمر عبداللہ نے اج واضع طور ور کہیو کہ شری ماتا ویشنو دیوی مندر واسطے روپ وے منصوباں نانہہ سال 2024 مانہہ لیفٹینٹ گورنر نے منظوری دتی تھی، نہ کی ریاستی کابینہ تے انتظامی کونسل نے۔ قانون ساز

اسمبلی مانہہ حقیقت واضع کرتا واں وزیر اعلیٰ نے کہیو کہ اُنہاں نے اس معاملہ تیں متعلق سرکاری ریکاڈ غی خود جانچ کی ہے۔ اُنہاں نے مزید اس طرح کہیو..... اسے دوران مجوزہ، روپ وے منصوبہ غے خلاف کٹڑہ مانہہ احتجاج کیو گیو، جت احتجاج کرن آلاں نے اس غی سخت مخالفت کی۔ احتجاج کرن آلاں نے خبردار کیو کہ اگر یوہ منصوبو واپس نہ لیو گیو تاں

احتجاج جاری رہے۔ آکاشوانی جموں گا نمائندہ کے مطابق، احتجاج کرن آلاں
گو کہنو تھو کہ مقامی لوکاں گا تحفظ نانہ نظر انداز کرے یوہ منصوبو
اگے بدھایو جاریو ہے۔

CM WATER SUPPLY

وزیر اعلیٰ عمر عبداللہ نے اج کہیو کہ سندھ آبی معاہدہ تیں متعلق حالیہ
پیش رفت تیں بعد جموں کشمیر حکومت، بھارتی حکومت کے نال مل کے پانی
غی فراہمی گا طویل مدتی منصوباں ور کم کرئی ہے۔ ان منصوباں مانہ
سو پور مانہ ٹلبل ور پانی گا بہاو ور قابو پان آلو بند، تے جموں غی مستقبل
غی ضروریات نانہ پورا کرن واسطے اکھنور تیں دریائے چناب گا پانی نانہ
لیان غی تجویز شامل ہے۔ وزیر اعلیٰ نے یاہ گل اج قانون ساز اسمبلی مانہ
اراکین گا ضمنی سوالات گا جواب کے دوران کی۔ انہاں نے مزید اس طرح
کہیو..... انہاں نے یاد دیرایو کہ ماری پچھلی حکومت کے دوران وی اکھنور
تیں چناب غو پانی جموں لیان غو ارادو تھو۔

Dy CM PLOTS

نائب وزیر اعلیٰ سریندر چودھری نے اج کہیو کہ حکومت کٹھوعہ ضلع گا گراں
باگرا مانہ 16 تیں 17 اگست 2025 کے دوران آیا سیلاب تیں، متاثرہ خانداناں
نانہ 5 مرلہ رہائشی زمین، دین بارے غور کرئی ہے۔ نائب وزیر اعلیٰ، وزیر
اعلیٰ غی جانب تیں قانون ساز اسمبلی مانہ ڈاکٹر بھارت بھوشن گا سوال غو
جواب دے رییا تھا، انہاں نے کہیو کہ ایس۔ ڈی۔ آر۔ ایف گا اصولاں کے مطابق،
جاں بحق افراد گا قریبی رشتہ داراں نانہ 4 لکھ روپیہ، غو معاوضو دتو گیو
ہے۔ جد کہ وزیر اعلیٰ گا امدادی فنڈ تیں اضافی 2 لکھ روپیہ، ہر متاثرہ خاندان
نانہ فراہم کیو گیو ہے۔ نائب وزیر اعلیٰ نے مزید اس طرح کہیو۔

ODOP FEST

جموں غا کنونشن مرکز مانہہ کاروباری سرگرمی تے لوکاں غی بھرپور شرکت دیکھن نانہہ لبی، تے خریدو۔فروخت واسطے، خریداراں تے فروخت کرن آلاں غی ملاقات منعقد کی گئی۔اس پروگرام مانہہ ملک بھر تیں کاریگر، کاروباری افراد تے خریدار شریک ہوا۔ یوہ میلو جموں کشمیر تجارت نانہہ فروغ دین آلا ادارہ غی طرفوں برضلع، ایک خاص مصنوعات سکیم غے تحت منعقد کیو گیو۔اس میلہ غو مقصد جموں کشمیر غا بر ضلع غی ایک خاص مصنوعات نانہہ قومی تے بین العوامی منڈیاں سنگ جوڑنو ہے۔ ملک غا مختلف حصاں تیں آیا25 تیں متہ خریداراں نے میلہ مانہہ نمائشی سٹال لایا تے مرکزی زیر انتظام علاقہ غی ہنر مندی ور مبنی منفرد مصنوعات نانہہ خریدن مانہہ دلچسپی ظاہر کی۔

CRICKET FOOTBALL TRIALS

جموں کشمیر کھیڈ کونسل نے گل بند سیول سروسز ٹورنامنٹ 2025-26 واسطے جموں کشمیر کرکٹ ٹیم غی تشکیل غا سلسلہ مانہہ کھلا سلیکشن ٹرائل غو اعلان کیو ہے اس ٹیم مانہہ16 کھیڈاری تے2 عہدے دار ٹورنامنٹ مانہہ جموں کشمیر غی نمائندگی کریں گا، ٹرائلز11 فروری2026 نانہہ دوپہر1 بجے مولانا آزاد سٹیڈیم جموں مانہہ منعقد ہے تے جموں کشمیر کھیڈ کونسل نے17 سال تیں کھٹ عمر غا نوجواناں واسطے کھیلو انڈیا پروگرام غے تحت فٹ نال سلیکشن ٹرائلز غو وی اعلان کیو ہے واضع رہ جے فٹ نال سلیکشن ٹرائلز11 فروری نانہہ تہاڑی گا2 بجے فٹ نال میدان جے کے ایس سی کھیڈ کمپلیکس پولو ویو سرینگر مانہہ منعقد ویں گا۔

RANA TIMBER

جنگلات و ماحولیات گا وزیر جاوید احمد رانا نے اج کہیو کہ محکمہ جنگلات غا تمام شعباں غے بشکار بہتر تال میل موجود ہے تے اہل افراد نانہہ باقاعدگی غے نال لکڑی فراہم کی جارئی ہے۔ وزیر موصوف نے یاہ گل اج قانون ساز اسمبلی مانہہ ایم۔ایل۔اے خورشید احمد شیخ غا سوال گا جواب مانہہ کہی۔

KISSAN MELA

زرعی طریقوں نانہہ بدھان تے کسانان نانہہ بااختیار بنان غا مقصد تیں ایک بڑی پہل مانہہ کرشی وگیان کیندر پونچھ نے 50 کسانان گا ایک گروپ نانہہ شیر کشمیر یونیورسٹی آف ایگریکلچر سائنس اینڈ ٹیکنالوجی جموں غا تکنیکی دورہ واسطے روانہ کیو سکاسٹ مانہہ مشہور کسان میلہ غے ارد گرد طے شدہ یوہ دورو قابل قدر تربیت تے پورا خطہ گا ترقی پسند کسانان غے نال گل بات کرن غو موقعو فراہم کرے غو۔ یوہ دورو کسانان نانہہ جدید کاشتکاری غی تکنیکاں ، نوی زرعی ٹیکنالوجی تے نوی ایجادات تیں روشناس کران واسطے تیار کیا گیا ہیں۔ اس بارے مزید معلومات دیتا واں کے۔ وی۔ کے پونچھ غا سائنسدان مظفر میر نے اس طرح کہیو۔

WEATHER

موسم مانہہ ایک کمزور مغربی خلل اج جموں کشمیر نانہہ متاثر کرن گو امکان بے جس سنگ مرکزی زیر انتظام علاقان مانہہ کئی مقامات ور ہلکی بارش تے برف باری وے غی۔ آکاشوانی جموں گا نامہ نگار نے خبر دتی بے کہ بھارت غا محکمہ موسمیات غے مطابق 20 فروری توڑی جموں کشمیر مانہہ کسے بڑی بارش یا برف باری غی کوئی پیشن گوئی نی بے تاہم گجھ اُچیراں علاقان مانہہ ہلکی برف باری غو امکان بے تے اج زیادہ تر مقامات ور ہلکی بارش تے برف باری وے غی بھارتی محکمہ موسمیات نے دسیو بے کہ 11 فروری تیں 20 فروری تک موسم عام طور ور خشک رہن غی توقع بے۔

NEWS READ BY NUSRAT

NEWS READ BY AZHAR HUSSAIN

NEWS EDITOR KUNAL SHRIVATSA

SKILLED RAJAT

TECH ASST GOKUL

DEO NUSRAT